



1. oktober 2019

UKA 2019/152
Aqqalu C.Jerimiassen

Uunga siunnersuut: Suliffeqarfiiit innuttaasunik tapersersortarialinnik suliffissaqaartitsisut nalunaarsugaasut pillugit Inatsisartut inatsisaat nr. xx, xx. xxx 2019-imeersoq.

(Inuussutissarsiornermut Nukissiuuteqarnermut Ilisimatusarnermullu Naalakkersuisoq)

Nuannaartaqaanga nunatsinni takugaangama suliffeqarfinnik namminersortunik, namminneerlutik piumassutsiminnik naalakkisaartinneqanngikkaluarlutik inunnik innarluutilinnik sulisoqarussuttartunik. Tassuunakkummi takussutissinneqartarmattaq inuiattut akornatsinni atassuteqarnerput, Atassummillumi oqaatiginnitsoorusunngilarput, oqariartuutigiuartaratsigu “Assaat sulisinnaasut tamarmik sulisinneqassapput”, tassungalu una anguniangaq tulluarsorilluinnarpaput.

Inunnut innarluutilinnuinnaangitsorli arlalitsigut iluaqsiisinnaanerattaaq tikkussisussaavoq, tassami utoqqartagut suli pisinnaalluartutut misigisimasut, taamaakkaluarctorli kivittariterujussuarlugit pinnagit sulisinneqarsinnaanerinut inuiaqatigiinnut ajunngitsumik siunnerfeqarnikkut pitsaalluinnassammat.

Assersuutitummi suliffeqarfinnik tigulaarilaaraanni, Qallunaat nunaanni BOAS specialister qarasaasialerinerup iluani siunnersuinermik suliaqartuusut autistinik arlalissuarnik sulisoqarput. Siunertarineqartorlu tassa tassaalluni, inuit autismeqartut pikkoriffii atorluassallugit, imalu pitsaatigilersimavoq, allaat nittartakkat pitsaalluinnartumik naammassineqartalersimallutik, tassami inuit autismimik innarluuteqartut tupinnaannartumik tappiffeqartarsimapput nittartagalerinerup iluani kukkunersiueqqissaarnissamut. Uagut immitsinnut “ajoquteqanngitsutut” taasartugut takkuitsoornissaanut qanittuararsuusagut ajoqutit suunngitsuararsuusut nanisinnaasarsimammatigit.

Namminiilivinniapiolornerujussuup aqqani ata sinnattuaqinerit kingullinngulaariarlugit nunatsinni innuttaaqatigut uagutsinniik allaanerusinnaasut utoqqartagullu qanoq pisinnaasaqarneri aallunniartigut, suliassarmi angeqaaq unammillernaqaaq, akisussaaffigisariaqarpagut suleqatigiilluta. Inoqatigut pineqalersillugit politikkikkut qalipaatigut illuaallassinnaasariaqartarpagut, immitsinnut tungujortuuneraraluarutta sorliungluarnerpalluunniit, pingarnerimmi tassaammata innuttaasut qitigutittuarlugit sulinissaq.

Utoqqartatta pikkoriffippassuisa qanoq iluaqtigineqarsinnaanerissaq pissappata periarfissat qanoq atorluarneqarsinnaaneri qimerlooluagassaaqaat, maanna qallunaat nunaanni nalunaarsorsimasorpannguani suliffeqarfinni ingerlasuni aanaveerpaalunnguit suleqatigiillutik assassinermik suliaqarlutik ingerlataqartarput, tassunakkullu qilattakkanik inoorlaat nasassaannik pilersuisuullutik.



Inuaqatigiit immitsinnut matchgruppe malillugit aggorneqarnikuunitsinni ilanggullugu eqqarsaatigisassaavoq, matchgruppe 2-3-miittullu qanoq ilinikkut suliffeqarfinnut taamak ittunut pisinneqarsinnaaneri aallaqqammut unammillernartuuvinnaavoq, taamaattorli piffissaq ungasinnerusoq isigalungu arningasaliinerussallunissaq, annikitsunnguamimmi aallartisillugit sulisinnaanngorsaanermik siunnerfilimmik ingerlatsissagaanni inuttut naleqassusaat qaffassarlugu aallartinneqassaaq sofami tunioraannarlugu uninngaannartinneraniik, imaluunniit ullutsinni oqartarnerattut aqqusinermik “manngersaasuinaatinneraniik”.

Qaa inuaqatigiittut imminut nalligineq illuarteriarlugu, nunaqqatigut tunioraannarneqartarnerinik uninngasunngorsaaneq piunnaarlugu sulisinnaanngorsaanermut ikaarsaaqatigiinniarta, nallinnartunnguatut taakkartuiunnaarluta kalaaleq tullusimaartoq tamatta takorusunneruarpuit.

Naalagaaffeqatigut ilinniarfigitigit qanoq iliornermikkut tamakku iluatsissimagaat.

Taamatut Atassummiik oqaaseqareerluta siunnersuut akueralugu ataatsimiitsitaliamut susassaqartumut ingerlapparput.